

Gjaldskrá

fyrir verkefni og þjónustu Umhverfisstofnunar

I. kafli.

Almennt.

1. gr.

Gjald fyrir útselda vinnu sérfræðings.

Umhverfisstofnun innheimtir gjald samkvæmt gjaldskrá þessari sem nemur kr. 9.000 fyrir sérfræðing og kr. 5.500 fyrir fagritara á hverja klukkustund fyrir verkefni og þjónustu sem stofnuninni eru falin í lögum og reglugerðum og sem heimilt er að taka gjald fyrir.

2. gr.

Ferðakostnaður.

Umhverfisstofnun innheimtir ferða- og upphaldskostnað í samræmi við reglur ferðakostnaðarnefndar fjármálaráðuneytisins.

3. gr.

Innheimta.

Eindagi gjalda skv. gjaldskrá þessari er 30 dögum eftir útgáfu reiknings. Dráttarvextir reiknast frá gjalddaga hafi gjöld ekki verið greidd á eindaga. Heimilt er að innheimta kostnað sem hlýst af innheimtu gjalda séu þau ekki greidd á eindaga.

II. kafli.

Leyfisveitingar og fl.

4. gr.

Starfsleyfi fyrir atvinnurekstur sem getur haft í för með sér mengun

Umhverfisstofnun innheimtir gjald fyrir vinnslu og útgáfu starfsleyfa af fyrirtækjum sem stunda atvinnurekstur sem talinn er upp í fylgiskjali 1 og I. viðauka með reglugerð, nr. 785/1999, um starfsleyfi fyrir atvinnurekstur sem getur haft í för með sér mengun, samkvæmt 8. gr. reglugerðarinnar. Umhverfisstofnun innheimtir gjald fyrir vinnslu og útgáfu starfsleyfa fyrir móttökustöð úrgangs skv. 2. mgr. 5. gr. laga nr. 55/2003 um meðhöndlun úrgangs.

Gjald fyrir vinnslu nýs starfsleyfis er tvíþætt:

A. Kostnaður við móttöku, grunnvinnu við gerð starfsleyfisdraga, auglýsingar og útgáfu er sem hér segir:

Eftirlitsflokkur	Upphæð
1. flokkur	kr. 496.000
2. flokkur	kr. 406.000
3. flokkur	kr. 169.500
4. flokkur	kr. 97.500
5. flokkur	kr. 97.500

Reikningur fyrir fastagjaldi skal gefinn út við móttöku umsóknar.

B. Fyrir frekari vinnu við gerð starfsleyfistillagna, vinnslu og afgreiðslu innsendra athugasemda og fyrir kynningu, þ.m.t. borgarafund um kynningu á

starfsleyfistillögum, skal greiða tímagjald samkvæmt 1. gr., ferðakostnað skv. 2. gr. og annan útlagðan kostnað. Þegar ljóst er að útgáfa leyfis hefur í för með sér umframvinnu skal umsækjanda gerð grein fyrir umfangi þeirrar vinnu. Reikningur vegna frekari vinnu skal gefinn út þegar drög að starfsleyfi liggja fyrir.

Fyrir endurskoðun og breytingu á starfsleyfi samkvæmt IX. kafla reglugerðar, nr. 785/1999, um starfsleyfi fyrir atvinnurekstur sem getur haft í för með sér mengun og fyrir breytingu og endurskoðun á starfsleyfi samkvæmt 4. og 5. mgr. 5. gr. laga, nr. 55/2003, um meðhöndlun úrgangs skal greiða tímagjald samkvæmt 1. gr. gjaldskrárinnar vegna vinnu sérfræðinga og fyrir ferðir skv. 2. gr. ásamt útlögðum kostnaði m.a. við auglýsingar. Reikningur skal gefinn út þegar drög að starfsleyfi liggja fyrir.

Fyrir breytingu á handhafa starfsleyfis skv. 2. mgr. 27. gr. reglugerðar nr. 785/1999, skal innheimta gjald.

Gjaldið skal vera 20.500kr.

5. gr.

Starfsleyfi fyrir garðaúðun og eyðingu meindýra.

Umhverfisstofnun innheimtir gjald til að standa undir kostnaði við útgáfu starfsleyfa fyrir þá sem starfa við garðaúðun í atvinnuskyni í samræmi við reglugerð, nr. 238/1994, um garðaúðun, og fyrir þá sem vinna við eyðingu meindýra í samræmi við reglugerð nr. 149/1989 um meindýraeyða, sbr. 6. mgr. 23. gr. laga, nr. 52/1988, um eiturefni og hættuleg efni. Gjaldið skal vera:

a. Gjald fyrir starfsleyfi sem veitt er í fyrsta skipti	Upphæð kr. 32.500
b. Gjald fyrir endurnýjun leyfisskírteina	kr. 14.500

Reikningur skal gefinn út við móttöku umsóknar.

Hafi útgáfa leyfis í för með sér meiri kostnað fyrir Umhverfisstofnun en nemur gjaldi skv. 2. mgr. er heimilt að innheimta tímagjald fyrir slíka umframvinnu skv. 1. gr. Þegar ljóst er að útgáfa leyfis hefur í för með sér umframvinnu skal umsækjanda gerð grein fyrir umfangi þeirrar vinnu. Reikningur vegna frekari vinnu skal gefinn út þegar drög að starfsleyfi liggja fyrir.

6. gr.

Leyfi fyrir notkun erfðabreyttra lífvera.

Umhverfisstofnun innheimtir gjald vegna vinnslu umsóknar um leyfi fyrir afmarkaða notkun erfðabreyttra örvera skv. 8. gr. reglugerðar, nr. 275/2002 og afmarkaða notkun erfðabreyttra lífvera annarra en örvera skv. 8. gr. reglugerðar, nr. 276/2002. Innheimta skal gjald sem nemur kr. 41.500. Reikningur skal gefin út við móttöku umsóknar.

Umhverfisstofnun innheimtir gjald vegna vinnslu umsóknar um leyfi fyrir sleppingu eða dreifingu og markaðssetningu erfðabreyttra lífvera skv. 5. og 19. gr. reglugerðar, nr. 493/1997. Umsóknaraðili greiðir tímagjald skv. 1. gr. og ferðakostnað skv. 2. gr. vegna vinnslu umsóknar um leyfi fyrir sleppingu eða dreifingu og markaðssetningu erfðabreyttra lífvera. Reikningur skal gefinn út þegar ákvörðun um útgáfu leyfis liggur fyrir.

Sé útgáfa leyfis umfangsmikil og hafi í för með sér meiri kostnað fyrir Umhverfisstofnun en fjallað er um í 1. mgr. er heimilt að innheimta tímagjald fyrir slíka umframvinnu skv. 1. gr. Þegar ljóst er að útgáfa leyfis hefur í för með sér

umframvinnu skal umsækjanda gerð grein fyrir umfangi þeirrar vinnu. Reikningur vegna frekari vinnu skal gefinn út þegar ákvörðun um útgáfu leyfis liggur fyrir.

7. gr.

Gjald vegna útgáfu leyfis til að halda dýr í atvinnuskyni.

Umhverfisstofnun innheimtir gjald fyrir útgáfu leyfa til hvers konar ræktunar, verslunar, þjálfunar, tamningar, geymslu, snyrtingar og leigu dýra í atvinnuskyni sem ekki fellur undir búfjárhald skv. 12. gr. laga, nr. 15/1994, um dýravernd með síðari breytingum.

Gjaldið skal vera:

a. Leyfi til dýrasýninga og dýrahappdrættis,	Upphæð kr. 9.500
b. Önnur leyfi vegna dýrahalds í atvinnuskyni	kr. 54.500
c. Endurnýjun annarra leyfa vegna dýrahalds í atvinnuskyni en leyfa til dýrasýninga og dýrahappdrættis	kr. 36.500

Reikningur skal gefin út við móttöku umsóknar.

Hafi útgáfa leyfis í för með sér meiri kostnað fyrir Umhverfisstofnun en nemur gjaldi skv. 1. mgr. er heimilt að innheimta tímagjald fyrir slíka umframvinnu skv. 1. gr. Þegar ljóst er að útgáfa leyfis hefur í för með sér umframvinnu skal umsækjanda gerð grein fyrir umfangi þeirrar vinnu. Reikningur vegna frekari vinnu skal gefinn út þegar ákvörðun um útgáfu leyfis liggur fyrir.

8. gr.

Gagnkvæm viðurkenning á markaðsleyfi sæfiefna.

Umhverfisstofnun innheimtir gjald fyrir gagnkvæma viðurkenningu á markaðsleyfi sæfiefna skv. 6. mgr. 13. gr. laga nr. 52/1988, um eiturefni og hættuleg efni.

Gjaldið skal vera:

a. Venjuleg sæfiefni	Upphæð kr. 379.000
b. Áhættulítill sæfiefni	kr. 244.000

Reikningur skal gefinn út við móttöku umsóknar um gagnkvæma viðurkenningu á markaðsleyfi.

Hafi umsókn um gagnkvæma viðurkenningu á markaðsleyfi í för með sér meiri kostnað fyrir Umhverfisstofnun en nemur gjaldi skv. 1. mgr. er heimilt að innheimta tímagjald fyrir slíka umframvinnu skv. 1. gr. sem og útlagðan kostnað. Þegar ljóst er að útgáfa gagnkvæmrar viðurkenningar á markaðsleyfi hefur í för með sér umframvinnu skal umsækjanda gerð grein fyrir umfangi þeirrar vinnu. Reikningur vegna frekari vinnu skal gefinn út þegar ákvörðun um útgáfu gagnkvæmrar viðurkenningar liggur fyrir.

9. gr.

Flutningur úrgangs milli landa.

Umhverfisstofnun innheimtir gjald fyrir samþykki tilkynningar fyrir innflutning, útflutning og umflutning úrgangs skv. 16. gr. laga nr. 55/2003, um meðhöndlun úrgangs.

Gjaldið er 74.500 kr. Reikningur skal gefinn út við móttöku tilkynningar.

Hafi samþykki tilkynningar fyrir innflutning, útflutning og umflutning úrgangs í för með sér meiri kostnað fyrir Umhverfisstofnun en nemur gjaldi skv. 1. mgr. er heimilt að innheimta tímagjald fyrir slíka umframvinnu skv. 1. gr. Þegar ljóst er að samþykki tilkynningar hefur í för með sér umframvinnu skal umsækjanda gerð grein fyrir umfangi þeirrar vinnu. Reikningur vegna frekari vinnu skal gefinn út þegar ákvörðun um útgáfu gagnkvæmrar viðurkenningar liggur fyrir.

Umhverfisstofnun innheimtir gjald fyrir eftirlit með flutningi úrgangs milli landa skv. 16. gr. laga nr. 55/2003. Innheimta skal tímagjald skv. 1. gr. auk ferðakostnaðar skv. 2. gr. svo og útlagðan kostnað.

Umhverfisstofnun innheimtir gjald fyrir sýnatöku við eftirlit með flutningi úrgangs milli landa skv. 16. gr. laga nr. 55/2003.

Gjaldið er 11.500 kr. fyrir hvert sýni.

Umhverfisstofnun innheimtir auk þess útlagðan kostnað fyrir greiningu hvers sýnis. Reikningur fyrir eftirlit og sýnatöku skal gefinn út þegar niðurstaða eftirlits og sýnatöku liggur fyrir.

10. gr.

Yfirferð skýrslna um losun koldíoxíðs.

Umhverfisstofnun innheimtir gjald fyrir yfirferð yfir skýrslu um losun koldíoxíðs skv. 5. mgr. 13. gr. laga nr. 65/2007, um losun gróðurhúsalofttegunda.

Gjaldið er 203.500 kr. Reikningur skal gefinn út við móttöku skýrslunnar.

Hafi yfirferð skýrslu um losun koldíoxíðs í för með sér meiri kostnað fyrir Umhverfisstofnun en nemur gjaldi skv. 1. mgr. er heimilt að innheimta tímagjald fyrir slíka umframvinnu skv. 1. gr. Þegar ljóst er að yfirferðin hefur í för með sér umframvinnu skal umsækjanda gerð grein fyrir umfangi þeirrar vinnu. Reikningur vegna frekari vinnu skal gefinn út þegar yfirferð skýrslunnar er lokið.

III. kafli.

Eftirlit.

11. gr.

Gjald fyrir mengunarvarnaeftirlit með starfsleyfisskyldri starfsemi.

Umhverfisstofnun innheimtir gjald af fyrirtækjum sem stofnunin hefur eftirlit með skv. 12. og 13. gr. reglugerðar, nr. 786/1999, um mengunarvarnaeftirlit og stunda atvinnurekstur sem talinn er upp í fylgiskjali nr. 1 og viðauka I með reglugerðinni, að undanskildum atvinnurekstri samkvæmt liðum 6.4, 6.5 og 6.6 í viðaukanum. Umhverfisstofnun innheimtir gjald fyrir eftirlit með móttökustöðvum úrgangs skv. 1. mgr. 37. gr. laga, nr. 55/2003, um meðhöndlun úrgangs.

Vegna reglubundins eftirlits, skv. 2. mgr. 12. gr. í reglugerð, nr. 786/1999, um mengunarvarnaeftirlit og eftirlit sem nánar er kveðið á um í starfsleyfi fyrirtækis, skal innheimta gjald sem hér segir:

Eftirlitsflokkur	Upphæð
1. flokkur	kr. 442.500
2. flokkur	kr. 273.500
3. flokkur	kr. 185.000
4. flokkur	kr. 124.000
5. flokkur	kr. 124.000

Reikningur skal gefinn út þegar eftirlitsskýrsla liggur fyrir.

Vegna reglubundinna eftirlitsmælinga, skv. 2. mgr. 12. gr. í reglugerð, nr. 786/1999, um mengunarvarnaeftirlit og því sem nánar er kveðið á um í starfsleyfi fyrirtækis, skal innheimta tímagjald samkvæmt 1. gr. auk ferðakostnaðar skv. 2. gr. svo og útlagðan kostnað. Reikningur skal gefinn út þegar eftirlitsskýrsla liggur fyrir.

Vegna eftirlits skv. 5. mgr. 12. gr. í reglugerð, nr. 786/1999, um mengunarvarnaeftirlit skal innheimta tímagjald samkvæmt 1. gr. auk ferðakostnaðar skv. 2. gr. svo og útlagðan kostnað. Reikningur skal gefinn út þegar eftirlitsskýrsla liggur fyrir.

Beiti Umhverfisstofnunar heimild skv. 6. mgr. 12. gr. reglugerðar, nr. 786/1999, um mengunarvarnaeftirlit til að draga úr reglubundnu eftirliti hjá atvinnurekanda skal viðkomandi atvinnustarfssemi færast til í eftirlitsflokk skv. ákvörðun stofnunarinnar í samræmi við 2. mgr. 12. gr. reglugerðarinnar eða lækkun á gjaldi sem nemur minna eftirliti.

12. gr.

Sérstakt eftirlit með mannvirkjagerð og öðrum framkvæmdum.

Umhverfisstofnun innheimtir gjald, skv. sérstöku samkomulagi við framkvæmdaraðila, vegna kostnaðar stofnunarinnar við sérstakt eftirlit með mannvirkjagerð og öðrum framkvæmdum, skv. 2. mgr. 7. gr. laga, nr. 44/1999, um náttúruvernd að teknu tilliti til innra eftirlits framkvæmdaraðila. Framkvæmdaraðili greiðir tímagjald skv. 1. gr. og ferðakostnað skv. 2. gr. auk annars útlagðs kostnaðar við eftirlitið. Um útgáfu reikninga meðan á hinu sérstaka eftirliti stendur fer skv. samkomulagi aðila.

IV. kafli.

Hæfnispróf og námskeið.

13. gr.

Hæfnispróf og veiðinámskeið fyrir veiðimenn.

Umhverfisstofnun heldur hæfnispróf fyrir veiðimenn og veiðinámskeið til undirbúnings hæfnisprófa á fyrirfram auglýstum tíma skv. 11. gr. laga, nr. 64/1994, um vernd, friðun og veiðar á villtum fuglum og villtum spendýrum. Stofnunin innheimtir gjald vegna hæfnisprófa og námskeiða, sbr. 4. mgr. 11. gr. laganna, í samræmi við eftirfarandi:

a. Prófgjald fyrir hæfnispróf á auglýstum próftíma	Upphæð kr. 5.000
b. Prófgjald fyrir hæfnispróf utan auglýstra próftíma að óskum viðkomandi einstaklings (einkapróf)	kr. 7.500
c. Veiðinámskeið til undirbúnings hæfnisprófi og hæfnispróf	kr. 10.500

Greiða skal gjald vegna hæfnisprófa eða námskeiða áður en námskeið er setið eða próf þeytt.

14. gr.

Hæfnispróf og námskeið í landvörslu.

Umhverfisstofnun heldur hæfnispróf og námskeið í landvörslu í samræmi við 3. mgr. 29. gr. laga nr. 44/1999, um náttúruvernd. Umhverfisstofnun innheimtir gjald vegna hæfnisprófa og námskeiða til landvörslu, sbr. 3. mgr. 29. gr. laga nr. 44/1999, um náttúruvernd. Gjaldið er 120.000 kr.

Greiða skal gjald vegna hæfnisprófa eða námskeiða áður en námskeið er setið.

V. kafli.
Leyfisveitingar vegna CITES.

15. gr.

Innflutningsleyfi vegna CITES.

Umhverfisstofnun innheimtir gjald til að standa undir kostnaði vegna vinnu við umsóknir um leyfi til innflutnings á eintökum þeirra tegunda sem taldar eru upp í I. og II. viðauka samningsins sbr. 4. gr. reglugerðar, nr. 993/2004, um framkvæmd samnings um alþjóðaverslun með tegundir villtra dýra og plantna sem eru í útrýmingarhættu. Gjaldið er kr. 11.750,-.

Sé útgáfa leyfis umfangsmikil og hafi í för með sér meiri kostnað fyrir Umhverfisstofnun en fjallað er um í 1. mgr. er heimilt að innheimta tímagjald fyrir slíka umframvinnu skv. 1. gr. Þegar ljóst er að útgáfa leyfis hefur í för með sér umframvinnu skal umsækjanda gerð grein fyrir umfangi þeirrar vinnu. Reikningur vegna frekari vinnu skal gefinn út þegar ákvörðun um útgáfu leyfis liggur fyrir.

16. gr.

Útflutningsleyfi vegna CITES.

Umhverfisstofnun innheimtir gjald til að standa undir kostnaði vegna vinnu við umsóknir um leyfi til útflutnings á eintökum þeirra tegunda sem taldar eru upp í I. til III viðauka samningsins sbr. 4. gr. reglugerðar, nr. 993/2004 um framkvæmd samnings um alþjóðaverslun með tegundir villtra dýra og plantna sem eru í útrýmingarhættu.

Gjaldið er kr. 11.500,-.

Sé útgáfa leyfis umfangsmikil og hafi í för með sér meiri kostnað fyrir Umhverfisstofnun en fjallað er um í 1. mgr. er heimilt að innheimta tímagjald fyrir slíka umframvinnu skv. 1. gr. Þegar ljóst er að útgáfa leyfis hefur í för með sér umframvinnu skal umsækjanda gerð grein fyrir umfangi þeirrar vinnu. Reikningur vegna frekari vinnu skal gefinn út þegar ákvörðun um útgáfu leyfis liggur fyrir.

17. gr.

Endurútflutningsleyfi vegna CITES.

Umhverfisstofnun innheimtir gjald til að standa undir kostnaði vegna vinnu við umsóknir um leyfi til endurútflutnings á eintökum þeirra tegunda sem taldar eru upp í I. til III. viðauka samningsins sbr. 4. gr. reglugerðar, nr. 993/2004, um framkvæmd samnings um alþjóðaverslun með tegundir villtra dýra og plantna sem eru í útrýmingarhættu.

Gjaldið er kr. 11.500,-.

Sé útgáfa leyfis umfangsmikil og hafi í för með sér meiri kostnað fyrir Umhverfisstofnun en fjallað er um í 1. mgr. er heimilt að innheimta tímagjald fyrir slíka umframvinnu skv. 1. gr. Þegar ljóst er að útgáfa leyfis hefur í för með sér umframvinnu skal umsækjanda gerð grein fyrir umfangi þeirrar vinnu. Reikningur vegna frekari vinnu skal gefinn út þegar ákvörðun um útgáfu leyfis liggur fyrir.

18. gr.

Vottorð um aðflutning úr sjó vegna CITES.

Umhverfisstofnun innheimtir gjald til að standa undir kostnaði við útgáfu vottorða um aðflutning úr sjó fyrir tiltekinn fjölda eintaka eða magn tegundar sem taldar eru upp í I til III viðauka samningsins sbr. 4. gr. reglugerðar, 993/1993, um

framkvæmd samnings um alþjóðaverslun með tegundir villtra dýra og plantna sem eru í útrýmingarhættu.

Gjaldið er kr. 11.500,-.

Sé útgáfa vottorðs umfangsmikil og hafi í för með sér meiri kostnað fyrir Umhverfisstofnun en fjallað er um í 1. mgr. er heimilt að innheimta tímagjald fyrir slíka umframvinnu skv. 1. gr. Þegar ljóst er að útgáfa vottorðs hefur í för með sér umframvinnu skal umsækjanda gerð grein fyrir umfangi þeirrar vinnu. Reikningur vegna frekari vinnu skal gefinn út þegar ákvörðun um útgáfu vottorðs liggur fyrir.

VI. kafli.

Bráðamengun hafs og stranda.

19. gr.

Eftirlit vegna bráðamengunar og aðgerða til að draga úr slíkri mengun.

Umhverfisstofnun innheimtir gjald vegna kostnaðar stofnunarinnar við eftirlit vegna bráðamengunar og aðgerða til að draga úr slíkri mengun, skv. 2. mgr. 21. gr. laga, nr. 33/2004, um varnir gegn mengun hafs og stranda. Mengunarvaldur greiðir tímagjald skv. 1. gr. og ferðakostnað skv. 2. gr. auk annars beins útlagðs kostnaðar við eftirlitið. Um útgáfu reikninga meðan á hinu sérstaka eftirliti stendur fer skv. samkomulagi aðila.

20. gr.

Leiga mengunarvarnabúnaðar.

Umhverfisstofnun krefur mengunarvald um gjald fyrir notkun á mengunarvarnabúnaði ef um að er ræða mengun af völdum olíu, eiturefna eða hættulegra efna eða annarrar atvinnustarfsemi, sbr. 2. mgr. 21. gr. laga, nr. 33/2004, um varnir gegn mengun hafs og stranda.

Mengunarvaldur skal auk gjalds skv. 1. og 5. mgr. greiða útlagðan kostnað við flutning og notkun mengunarvarnabúnaðar, ásamt yfirferð og hreinsun á búnaðinum ef þörf krefur. Áætla skal kostnað við yfirferð og hreinsun á búnaði og skal mengunarvaldi gefinn kostur á að koma að athugasemdum áður en verk er hafið.

Eyðileggist búnaður við notkun getur Umhverfisstofnun krafist mengunarvald um kostnað við endurnýjun hans að teknu tilliti til ástands búnaðar fyrir notkun, aldurs hans og eðlilegra afskrifta, nema ef skemmdirnar hafa orðið vegna handvammur eða mistaka umsjónarmanns búnaðarins.

Kostnaður við notkun búnaðar annars staðar frá, sem og vinna við beitingu búnaðarins telst beinn útlagður kostnaður og greiðist af mengunarvaldi.

Fyrir leigu á mengunarvarnabúnaði í eigu Umhverfisstofnunar greiðist samkvæmt sundurliðun í eftirfarandi töflu:

Olúflotgirðingar

<i>Tegund</i>	<i>Lengd</i>	<i>Eining</i>	<i>Leiga pr. einingu, kr.</i>	
			<i>Dagur</i>	<i>klst.</i>
EXPANDY 3000	300	25 m	15.000	1.500
EXPANDY 4300	700	15 m	20.000	2.000

Olúupptökutæki

<i>Tegund</i>	<i>Fjöldi</i>	<i>Upptaka</i>	<i>Dagur</i>	<i>klst.</i>
Komera	2	12 tn/klst	100.000	10.000
Foxtail	2	20 tn/klst	150.000	15.000

Innifalið í leigu: Orkustöð.

Tengistykki til að tengja inn á önnur vökvakerfi.

Annar búnaður

<i>Tegund</i>	<i>Fjöldi</i>	<i>Dagur</i>	<i>klst.</i>
Rafstöðvar	2	5.000	500
Háprýstidælur	2	5.000	500

VII. kafli.

Önnur verkefni.

Áritun innflutningsskjala.

21. gr.

Umhverfisstofnun innheimtir gjald til að standa undir kostnaði vegna áritunar innflutningsskjala skv. 6. mgr. 23. gr. laga, nr. 52/1988, um eiturefni og hættuleg efni.

Gjaldið er 2000 kr. Reikningur skal gefinn út við móttöku innflutningsskjals.

Sé vinna við áritun umfangsmikil og hafi í för með sér meiri kostnað fyrir Umhverfisstofnun en fjallað er um í 1. mgr. er heimilt að innheimta tímagjald fyrir slíka umframvinnu skv. 1. gr. Þegar ljóst er að áritun innflutningsskjala hefur í för með sér umframvinnu skal umsækjanda gerð grein fyrir umfangi þeirrar vinnu. Reikningur vegna frekari vinnu skal gefinn út þegar ákvörðun liggur fyrir.

22. gr

Ljósrit eða afrit af skjölum.

Fyrir ljósrit eða afrit af skjölum á samkvæmt beiðni á grundvelli upplýsingalaga eða lög um upplýsingar um umhverfismál er heimilt að krefjast 10 kr. fyrir hverja blaðsíðu í stærðinni A4 eða A5. Fyrir ljósrit eða afrit skjala í stærðinni A3 er heimilt að krefjast 15 kr. fyrir hverja blaðsíðu og 20 kr. í stærðinni A2.

Þegar skjal er endurritað samkvæmt beiðni er heimilt að krefjast 150 kr. fyrir hverja blaðsíðu.

Fyrir afrit af öðrum gögnum en skjölum, s.s. myndum, teikningum, örfiljum, myndböndum og hljóðupptökum, má heimta þann kostnað sem af afrituninni leiðir.

Þegar fjölföldunaraðstaða er ekki fyrir hendi eða umfang verks er slíkt er heimilt að fela öðrum að annast ljósritun, afritun eða endurritun skjala eða annarra gagna. Fyrir aðkeypta þjónustu skal greitt samkvæmt reikningi þess er hana annast.

VIII. kafli.

Gildistaka og lagastöð.

Lagastöð

23. gr.

Gjaldskrá þessi er sett samkvæmt heimild í 23. gr. laga nr. 52/1988 um eiturefni og hættuleg efni, 12. gr. laga nr. 15/1994 um dýravernd, 4. mgr. 11. gr. laga nr. 64/1994 um vernd, friðun og veiðar á villtum dýrum, 21. gr. laga nr. 7/1998, um hollustuhætti og mengunarvarnir, 3. mgr. 7. gr. laga nr. 44/1999 um náttúruvernd, 22. gr. laga nr. 18/1996 um erfðabreyttar lífverur, 16. og 4. mgr. 37. gr. laga nr. 55/2003 um meðhöndlun úrgangs, 2. mgr. 21. gr. laga, nr. 33/2004, um varnir gegn mengun hafs og stranda, 5. mgr. 13. gr. laga, nr. 65/2007, um losun gróðurhúsalofttegunda, og 2. mgr. 5. gr. laga, nr. 85/2000, um framkvæmd samnings um alþjóðaverslun með tegundir villtra dýra og plantna sem eru í útrýmingarhættu. Gjaldskráin öðlast gildi 1. febrúar 2010.

Frá sama tíma fellur úr gildi gjaldskrá Umhverfisstofnunar nr. 833/2008.

Umhverfísráðuneytinu, 15. janúar 2010

F. h. r.

*Magnús Jóhannesson
Hrafnhildur Ásta Þorvaldsdóttir*